

四庫全書

史部

欽定四庫全書

史部

浙江通志卷四十五

三至

詳校官給事中臣戴璐

檢討臣德生覆勘

總校官編修臣倉聖脉

校對官學正臣湯垣

謄錄監生臣劉天綸

欽定四庫全書

浙江通志卷四十三

古蹟五

寧波府

句章城 元和郡縣志明州句章故城在州西一里

太平寰宇記按郡縣志云句章縣本是平山四明按其東嶺天台續具南峯是也

古句章城 輿地紀勝在鄞縣南六十里漢遣橫海

將軍韓說出句章道征東粵王即此 鄞縣志古句章城在慈谿

城山渡之東越王句踐築其曰城山以城在此山也宋武帝討孫恩改築於小溪鎮故名其江曰鄞江名其鄉曰句章國經所載古句章城在鄞南六十里是也故寧郡有兩句章遺址俱存

羅城 元豐九域志按夏侯曾先地志云晉劉牢之

築城以遏王江口即此城也或云越無諸所築

鄞城 太平寰宇記漢縣廢城在今鄞縣南鄞縣志鄞本漢

縣廢城因境有赤堇山加邑為鄞在今白社里產赤堇草薛燭曰歐冶子與越王鑄劍破赤堇之山

即此地今白社有鄞城遺蹟尚在

鄞城 名勝志鄞縣東三十餘里為賀山古鄞縣以

此名先時山麓與海相際百貨來此貿易以故谷

口舊名後塘街有鄞縣城遺址

鄞縣志古鄞城相傳在賀山橋非也

賀山在東錢湖之東其時名湖為西湖若在賀山橋即當云東湖矣何得謂之西耶及登賀山橋所稱故城者掘土驗之絕無瓦甃磚石則非城址可知後人因其土隆起若城址故云爾

昌國舊城 萬曆象山縣志在縣南一百二十里海

中兩峯對峙名天門山接寧海東境海道一要衝也明初建衛於此

翁山縣城 元和郡縣志翁洲入海二百里即春秋

所謂甬東其洲環五百里有良田湖水

明一統志在寧海縣

東北唐開元中置翁山縣宋改昌國明洪武間以其地瀕海分徙其民於內地僅存在城五百戶鄞

縣志今之舟山

項河古城

定海縣志去縣八里舊傳唐世築城於

此後以土輕移就鎮鼇山旁宋寶慶間城基猶存

古牧奴縣治 名勝志句章城一名官奴城舊圖經

云漢光武至越嘗為賊所困因牧奴得免既定天

下以奴為鄞令封鄞為牧奴縣城為官奴城又十

道志云宋武帝微時避吏於鄮與人奴名桂者善
因匿之為吏所窘奴乃耕於田以土覆帝得免後
立官奴城以報之掘土築城處名官奴池即舊治
鄮山之城也其謂光武者於史無所據而宋書孫
恩寇上虞時劉裕戍句章疑故為宋武云

古鄮縣治 成化四明郡志鄮縣舊治在阿育王山
西鄮山之東城郭遺址猶存

古董子國 名勝志夏時有董子國因其境有赤董

山在今奉化縣東五十里

吳越望海縣治 太平寰宇記梁開平三年吳越王

以地濱海有魚鹽之利因置望海縣後改為定海

縣

輿地紀勝本鄞縣之靜海鎮吳越備史梁開平二年武肅徇明州因城望海鎮置望海縣

宋酒稅廳

天啓慈谿縣志酒稅務在縣東南二里

淳化七年建監酒稅廳在縣東南一里慶歷八年

建

名勝志鄞縣西下庄乃宋之酒坊司也

宋永平寨 天啓慈谿縣志宋置永平寨於縣西夜

飛山屯駐水軍咸淳十年寨燬

宋社壇 天啓慈谿縣志在縣西南祈報坊建炎二

年令林叔豹建

宋教場 天啓慈谿縣志在縣東北靖康元年置

宋船場 至正四明續志呂祖儉詩序晁景迂大觀

中為四明船場後七十餘年訪問舊蹟尚有可考

晁說之思四明所居詩軒窻直到桃花渡是也

宋雞鳴寨 天啓慈谿縣志在縣西北四十五里白

馬舉口政和七年建開慶初移屯向頭寨之傍

宋鮎埼寨 嘉靖奉化縣志即鮎埼鎮嘉泰中置

宋沿海制置使司 輿地紀勝紹興二年以呂頤浩

言設沿海制置使置司定海縣

宋市舶司 中興小歷建炎二年復置市舶司於明

州定海縣聽番客從便

桃源洞園 嘉靖寧波府志在帥府後園之北中有

佳趣亭集春亭容興亭宋韓璉建今改為海道司

帥府園 嘉靖寧波府志在帥府元建右置花園古

石嘉木高臺曲池至今尚存改建市舶提舉司

蔣家園 名勝志在府東南宋蔣曉建

王巨游蔣園詩採蓮橋下

路皂蓋拂雲來塵壓隨軒雨風生避暑臺酒緣
佳客盡花為使君開共話西溪舊相忘此日杯

倪家園 名勝志在府治北元倪萬戶建

西湖十洲 輿地紀勝在州西湖中有汀洲島嶼凡

十曰柳汀雪汀芳草汀芙蓉洲菊花洲月島松島

花嶼竹嶼烟嶼四時之景不同而士女游賞特盛於

春夏飛蓋成陰畫船漾影無虛日也

嘉靖寧波府志宋元祐癸

酉太守劉垚因月湖之舊而疏浚之復仍其積上廣為十洲隨景命名

烟波館 成化四明郡志在鄞縣東四十里東錢湖

宋寶慶三年守胡榘建旁有天鏡亭

丈亭館 嘉靖寧波府志在慈谿縣西南四十五里

宋嘉定間令邊列建館於丈亭北故名

鳧磯館 晏公類要慈谿縣東南二里唐開元二十

六年縣令房瑄建

慈谿縣志地臨江渚鳧雁羣集名曰鳧磯後改為驛

涵虛館 名勝志在城西南月湖中

登陸館 嘉靖寧波府志在奉化縣東四里

龍津館 嘉靖奉化縣志宋朱文公提舉浙東常平

泊舟於此率諸生講學焉

金鐘館 嘉靖奉化縣志在縣東北十里宋咸淳中

參政葉夢鼎鎮明州建

濟川館 嘉靖寧波府志在定海縣南舊名利涉又

名濟川亭

澤山行館 延祐四明志在定海縣西北九十里澤

山宋吏部郎黃震以德祐初歸隱就山南築行館

榜所居室為歸來之廬林泉瀟灑為一方勝覽

張楷

題澤山館詩山水真佳致乾坤獨樂鄉谷深如子
子地僻似柴桑石鑿登山徑槎橫渡水梁黃公歸

隱處松菊
有餘香

舟山館 定海縣志在縣城內宋嘉定十五年令趙

大忠建

太白莊 嘉靖寧波府志在府東五里元學士程端

禮與弟端學改為讀書莊即宋守胡榘所建太白

樓也

梅莊 延祐四明志在春風堂南淳祐中制帥顏頤

仲建

義田莊 嘉靖寧波府志在府治西望京門內宋淳

熙時汪莊靖大猷立

樓鑰義田莊記四明鄉誼最重齊國公以列卿領畫繼義

襟素高郵孤濟急厥後外祖少師汪公太師史文惠王舅氏尚書暨鄉先達與我諸父相繼主盟此

風不墜淳熙中沈晦叔煥請於文惠王用會稽近地為義田之舉王題其言與吾舅謀倡率好事者

於是或捐已產或輸財以買得撥助之田合五頃
有奇歲得穀六百斛米三之二買田作屋十五楹
於郡城西望京門內偏曰義田莊推爵齒之高而
有幹力者提其綱任而家食者一人司其出入凡
有親喪不能舉孤女不能嫁參稽而次授之自今
富者樂施貧者安分與者不以為恩受者不以為
幸有餘則加益馬共守規約以
無負先生之意而後可以久矣

柳莊 嘉靖鄞縣志袁士元子太常丞珙退休之里

即菊村故址

九經堂 輿地紀勝在鄞山堂後淳化間詔頒九經

郡守陳充作堂藏之

李闕重修九經堂記上即位
之明年九月闕自處部郎中

乞守茲土乃得毫又明年十月自毫被命來領郡
事一日會賓客於東園之嘉燕堂其北有遺址焉
問諸老史云九經堂基也舊記在馬滌而觀之乃
殿中丞陳侯允之文也陳侯當淳化二年蒞茲方太宗
皇帝詔以九經賜荆楚湖襄江吳杭越閩中嶺外
諸郡而明預馬陳侯戾止見所賜書戴仰天子之
休飾廣廈以藏之名曰九經堂自淳化二年迄於
今纔百年而九經散失無存堂亦廢而草木蒼蒼
矣乃率入官之棄材鳩無用之卑工鑿治畚土增
高舊址如臺而新之且購九經寘其間使士民復
見太宗之遺訓與陳侯經始
之迹而時與士大夫游焉

鄧山堂 延祐四明志在鎮海樓北宋政和丙申守

周邦彥因舊基建

嘉燕堂 李閔重修九經堂記郡東園

進思堂 延祐四明志在府治紹興間守畢仲荀建

真瑞堂 延祐四明志在熙春亭東成化四明郡志

宋守韓璉建

清心堂 延祐四明志在芙蓉堂西隆興癸未守趙

子瀟建

春風堂 芙蓉堂 延祐四明志在府治並宋守程

卓建

熙春堂 百花堂 輿地紀勝並在州宅後園

錦堂 延祐四明志在治事廳後淳祐元年守余天錫新之御書錦堂二字以天錫典鄉郡也

清暑堂 延祐四明志在府堂西偏淳熙初魏王建老香堂 嘉靖寧波府志在府治面北植桂百本宋大使丞相吳潛出守慶元時建

蒼雲堂 嘉靖寧波府志在郡圃之北有古檜數本太守章大醇建既圯大使丞相吳潛增復舊規仍

以檜補之蒼雲舊扁猶在溧陽張即之書

平易堂 輿地紀勝在府治進思堂後

琴堂 延祐四明志在鄞縣寬賦堂之北宋建

清心堂 延祐四明志在鄞縣宅東北園中西南瞰

蓮池 宋紹興二十五年令王暉建

寬賦堂 延祐四明志在鄞縣宅左面東紹興二十

六年令周中亨重建桐鄉朱翌記

晝簾堂 延祐四明志在鄞縣廳事東紹興三十一

年建趙省為記

衆樂堂 延祐四明志在子城西南屹立湖中有橋

以通來往一勝景也嘉祐間守錢公輔建守呂浮

書額

即亢衆樂堂記明治故鄞瀕海之都厥初導江源於南山醜為漕河以入於城與越肇國

茲為輔州湖支於河蓋數百畝中為亭觀卉木洲
嶼至於今圯廢鮮有存者維時錢君來此邦邦之
人曰維政刑毋枉於直曰維教化日遷於良山樵
水耘濟之阜安陶然太和歲以有年邦人怡怡並
尋於娛君曰從事與是同好近而勝者莫湖先焉
闕者闕之窪者隆之昔賦史租削而捐之罔為飛
梁以通往來合為夏屋鱗舒翼開遠巖近峯烟虛
兩青水流庭階激激有聲君曰從事盍往樂之荷

房艾盤鳧飛鵝翻飄飄滿前几州之人月維暮春
駢航接艫有酒院絃來游其間環隄涉祥風於柳
楊夕以忘還明人之憂惟使君是求明人之樂惟
使君是度樂乎樂而不與人同樂安在其為樂哉
他山之石以鏡以刻以告後
人尚識其畧時熙寧二年也

廣生堂 延祐四明志在湖心寺側乾道中守趙伯

圭建

錦照堂 成化四明郡志在月湖南宋樓昇建後更

名竹洲

真隱堂 嘉靖寧波府志在月湖之中洲宋越王史

浩建以讀書著真隱漫錄

滄洲堂 袁桷詩注九月望日過東湖上山僧能道

嘉定間事出示史忠宣公所製滄洲堂上梁文

明恕堂 天啓慈谿縣志宋雍熙初令李紹文建紹

興中令林公定更名製錦元烏馬兜改曰勝覽

清清堂 袁桷慈谿縣興造記廳事有堂曰清清淳

化間縣令張穎叔達壘書之所褒因其名而築者

也慈谿縣志後令黃瓊重修後又名清清閣

徐埜重修

清清堂記余過是邑大夫黃公延余一室榜曰清
清憑高原面廣野基宇偉壯丹青煥飾周旋熟視
見平蕪散綠修竹環翠孤雲落照飛烟有無逸水
澗霞白鳥上下予以堂名殆是之謂歟公曰非也
將水翁凋晰松籟悠揚艇棹絕湖而漁唱聞發牛
羊下坡而收笛孤響有遺於耳歟曰非也抑訟息
庭虛遲而孤坐琴橫淨几香裊金爐一慮不生萬
緣俱滌終日寓之而忘身之在仕歟曰非也蓋淳
化中有賢令張叔達者緝著嚴明茂昭清德政施
百里而聲達九重璽書放獎先詔尚存後人仰其清
名慮久而溼也乃建茲堂榜曰清清希仰前規即
不能抗衡並馳抑終不失為自好者矣予自領邑
見其柱礎傾欹棟椽隳腐因念召伯之棠尚成剪
伐况棟宇乎遂鳩工掄材為丕新之不惟不墜前
人之志抑將永君子之傳公名
瓊字巨濟戴溪人宣和二年記

道愛堂 天啓慈谿縣志在縣治廳東宋元祐初令

崔熙建扁曰佐治至淳祐初令吳浦重建曹邵更

葺之改曰道愛鄭清之記

謹按寧郡縣兩志皆稱淳祐初吳浦重建至建炎之四年曹邵更葺考職官表浦邵相繼為令皆在於淳祐間淳祐為理宗之年號建炎乃高宗之初元舊志誤也

製錦堂 成化四明郡志在慈谿縣尉廳側畢仲荀

建

勤畏堂 嘉靖寧波府志在慈谿縣治王中行建

植本堂 嘉靖寧波府志在慈谿縣西南一里尚書
姚鏌所居姚自宋神童姚正子世居於此

遺愛堂 成化四明郡志在奉化縣治內又名龍溪
道院

得初堂 王應麟奉化縣治記堂曰得初以息以燕
恕堂 延祐四明志在奉化縣廳事之西榮彛建

德星堂 戴表元奉川驛記奉川驛成名堂曰德星
宜晚堂 貝璣宜晚堂記奉化四山環拱南屏一峯

特起蓋四明形勝之處

筆華堂 嘉靖奉化縣志在縣北二十五里江村口

宋李元白宅內

清華堂 戴表元清華堂記奉化萬竹董氏為州甲族有彥受者築讀書之堂於所居之東來請名余

以文選語名之曰清華

屏山堂 成化四明郡志在定海縣東一里梓蔭山

上宋軍官馮柄彛築之

寧波府志今鎮海地改名迎秀

謹按寧郡舊志稱定海縣俱今之鎮海縣也

安樂堂 嘉靖寧波府志在定海縣西北三里

三友堂 成化四明郡志在象山縣廳之西宋趙善

晉建

鎮鰲堂 定海縣志宋縣治在鎮鰲山下端平三年

令方暉建

敬簡堂 定海縣志在廳事後西偏宋嘉定三年昌

國令聞韶建

清白堂 定海縣志在縣治後元泰定中阿哈瑪特建

超覽堂 定海縣志在昌國城內宋集賢學士韓搢

彥建學士趙逢龍書

坐嘯齋 輿地紀勝在鄞山堂西宋韓仲通建其右

為鈴齋

羔羊齋 延祐四明志在平易堂之後

仁齋 延祐四明志寶慶二年守胡槩建

琴齋 明一統志在鄞縣治宋建

攻媿齋 嘉靖寧波府志在鄞縣南二里畫錦坊尚
書宣獻公樓鑰所居自號攻媿齋主人

仁平齋 延祐四明志在奉化縣廳事東令榮彞建

愛蓮齋 定海縣志在縣治東宋淳祐中令沈壑建

思補齋 萬厯象山縣志在三友堂東令胡槩建

生明軒 嘉靖寧波府志在郡治蒼雲堂右下瞰方

池極目無際大使丞相吳潛於此玩月故名

叢碧軒 成化四明郡志在治後宋曹泳建

明一統志米芾

編 考

餘軒 戴表元餘軒記程士安佐浙東元帥府於明
所居軒有餘地種蔬以給余名之曰餘軒

擁青軒 慈谿縣志花嶼湖之西復有小湖當清清
堂後湖中有洲洲上有擁青軒四隅有四亭

龍虎軒 天啓慈谿縣志在縣東普濟寺東岡怪松
踞危石若龍虎狀元豐中令盛次仲有石刻詩

清茂軒 戴表元清茂軒記大雷山為唐賢謝遺塵

所居後有毛氏震卿居此

朝暉軒 嘉靖奉化縣志趙孟頫戴表元黃潛聚講

之所凡戴黃有作趙書之時稱三絕今為法華寺

戴表元鹿頂山朝暉軒為東玉師賦金雞警晨關
燭能轉岩車陰蒙欲消散岩谷開虛呀忽然蒼巖
顛涌出紅蓮華天暉初照燦六合無藏迹而我
靈臺中善根始萌芽珍重慎消息外物如塵沙

清暉軒 延祐四明志在定海縣海光閣前嘉定三

年令趙秘夫立

聽軒 延祐四明志在象山縣治慶元四年令韓元

禮建

更恭亭 延祐四明志在府治桃源洞門西北宋嘉定十六年知慶元府章良朋建前有二古檜取東坡雙童老更恭之意

茶亭 酒亭 延祐四明志在設廳東西紹定初守胡榘重建

占春亭 延祐四明志在春風堂之南宋淳祐六年制使顏頤仲建

觀瀾亭 輿地紀勝在郡治內

友山亭 延祐四明志在仁齋前宋守梁汝嘉建

射亭 延祐四明志在九經堂後宋守趙伯奎建

傳觴亭 夾芳亭 延祐四明志在府治並宋守程

覃建

茆亭 延祐四明志在舊甬東書院南其東為熙春

亭宋紹興癸酉守韓璉建

西亭 輿地紀勝在鄞縣治

延祐四明志今名荆公
臺在廳訪分司公宇後

園土安石鄞縣西亭詩收功無路去無田竊食窮
城度兩年史作世間兒女態亂栽花竹養風烟

會別亭 鄞縣志在府城西三里

碧止亭 明一統志在月湖中鄞縣志史彌遠建

樓

題碧止亭詩相家小有四明山史葺桃源渺
茶間四面樓臺相映發一川烟水自驚環

可憇亭 延祐四明志在桃源洞西淳祐中顏頤仲

建

魚熙亭 嘉靖寧波府志在鄞縣治寬賦堂之前

仰高亭 鄞縣志在縣治宋建

嵯亭 水經注江之道南有曹娥碑江濱有馬目山

洪濤一上波隱是山勢淪嵯亭

太平寰宇記鄞縣嵯亭自剡溪至此

灘碯高險行人往來皆此裝束齊
僕射張稷曾生子於此因名嵯

謹按會稽志亦載嵯亭因嵯縣屬紹也寰宇記
已入鄞縣其地在今鄞縣故從寰宇記入寧波

瓌富亭 至正四明續志在東渡門外丞相吳潛建

超然亭 鄞縣志在桃花渡船場宋監官晁說之建

寒碧亭 延祐四明志寶巖寺後有寒碧亭

王安石
寒碧亭

詩兩岸青山剡峭成一溪四曲篆紋平
綠陰隱隱無重數欲去黃鸝又一聲

三江亭 名勝志在郡城東門之北宋天禧中郡守李彛庚嘗寓此紹興間郡守潘良貴重建亭

翠鎖亭 謝翹翠鎖亭詩注亭在江岸有魏王妃所題字

平楚觀瀾亭 鄞縣志在瑞光樓前今水中洲是也
時亭 成化四明郡志在平橋西吳潛建今為惠民藥局

直清亭 鄞縣志在縣東明堂巖白雲山下宋天水

郡開國公趙與懽建於父之墓側理宗御書二字
賜之

望湖亭 嘉靖寧波府志在鄞縣東南東錢湖中

張時

微望湖亭詩烟霞探不極獨上望湖亭孤嶼懸明
鏡犀峯展直屏舫舟舒月白松檜匝雲青盡日中

山醉人言
是調生

極目亭 阿育王山志在鄞山東見海中諸山

宿鷺亭 舒亶有宿鷺亭詩見延祐四明志

紫翠亭 王庭秀有泛舟西湖至紫翠亭詩

芳思亭 鄞縣志在縣南尚書袁以道所居

袁桐芳
思亭詩

序大父尚書公治園南郊有堂亭凡十五不
復可考近築一亭彷彿其萬一名之曰芳思

聽香亭 嘉靖寧波府志在慈谿縣東南一名臨香

亭宋紹興中建嘉定十年天台劉燠改曰聽雨堂

攬秀亭 天啓慈谿縣志在縣治擁青軒後宋紹定

元年令周符建元延祐四年改曰湖亭

麗澤亭 延祐四明志在慈谿縣治之前紹興三十

一年令鍾確重建

姚鏐慈谿縣修造
記今更曰通和

春亭 成化四明郡志在慈谿縣治東南

環碧亭 名勝志在慈谿縣後湖嶼上宋乾道間令

陳壽彭建

王淮環碧亭詩簷角俯滄洲烟波數點鷗路從塔下斷天向檻前浮柳影當簾

夏蘋香入座秋百年清景絕誰放綠船游

柳意亭 勝覽亭 袁桷慈谿縣治興造記縣治之

後有小湖湖之中為洲花竹四列風蓮水柳映翳

繚繞為亭曰柳意勝覽以樂其神此昔烏瑪喇忠

顯之所成也

慈谿縣志敬思佐治勝覽柳意此四亭俱在縣後湖嶼中並烏瑪喇建

涵碧亭 天啓慈谿縣志在縣東湖嶼中舊名清音

宋天聖中令孫知古建大觀中令唐昌期更今名鄰月亭 成化四明郡志在慈谿縣東北一里龍虎

軒北宋元豐八年令崔熙建

砥疏亭 嘉靖寧波府志在慈谿縣普濟湖東南隄

上宋令金昌年建

野航亭 仁天亭 天啓慈谿縣志並在縣東北宋

景定二年令金昌年建

咏春亭

嘉靖寧波府志在慈谿縣東北一里宋令

金昌年建舊名咏歸咸淳八年令周濤改今名

濯纓亭

成化四明郡志在慈谿縣東南二里

回瀾亭

天啓慈谿縣志在縣西南十三里宋淳祐

中制使顏頤仲建

蒙亭

延祐四明志在慈谿大寶山麓創自熙寧以

前泉甘宜茶又名寶泉亭紹興間令陳良翰重建

大亭

天啓慈谿縣志在縣西四十五里乃老尉廨

宇方築大室故曰丈亭今有老尉浦

王淮過上亭詩出縣四十

里西來是大亭江分三流白山拱兩邊青逸樹雲間搗香蒲雨後汀舟人候潮至飯罷即揚舡

寒碧亭

翠光亭

天啓慈谿縣志在寶慶寺後

王

石寒碧亭詩風吹洞口雲水動山頭月野客時問人前村多白雪

四景亭

寧波府志在慈湖之北元至元間令富德

庸建

清斯亭 成化四明郡志在奉化縣治得初堂後

王應

縣重修奉化縣志記廳事東西吾名以節爰清安兩廡翼馬名以一清四畏堂曰得初以息以燕亭

曰清斯有沼有荷挹爽西山倚以高清俎頌其楹
鞞其門藜然一新曷敢視官舍為逸傳而怠厥
事

烏峯亭 李濂游雪竇記在日嶺上烏峯日嶺別名

偃蓋亭 隱秀亭 聽泉亭 嘉靖寧波府志俱在

雪竇山

御書亭 寧波府志在雪竇藏宋理宗應夢名山四

字

鮚埼亭 漢書地理志鄞有鮚埼亭注鮚音結蚌也

長一寸廣六分有一小蟹在其腹埼西岸也

嘉靖
奉化

縣志析為奉地在縣南五十
里屬十八都其中多鮪故名

飛雪亭

妙峯亭

漱玉亭

輿地紀勝奉化雪竇

山有瀑布上下有三亭丹碧照耀飛簷鱗鱗蔚在

青嶂間晨霞暮靄遮露萬狀尤為勝槩

曾鞏飛雪
亭詩玉蚪

垂處雪花翻四序雷聲六月寒憑
樞未窮千丈勢請從巖下舉頭看

鹿亭 丹山洞天圖咏集梁隱者孔祐居昇仙祠側

有鹿中矢來投祐為牧豢而去因建鹿亭

陸龜蒙
鹿亭詩

鹿亭巖下置時頌白麋過草細眠應久泉清飲自
多聽聲來月塢尋跡到烟蘿早晚吞金液還將上

綺
河

琅玕亭 延祐四明志在奉化館羣山繞之

航津亭 延祐四明志在定海縣東南宋元豐元年
建為高麗使往還賜宴之地

海晏亭 嘉靖定海縣志舊名鎮海亭宋守胡築建
永賴亭 成化四明郡志在定海縣海石塘與海晏
亭皆在塘之左右明洪武五年邑丞許伯原重建

柔遠亭 嘉靖定海縣志在縣南舊名巨川宋崇寧

中徐裡重建改名其側有翠溪亭

觀瀾亭 延祐四明志在象山縣北宋治平中令林

旦建

許將觀瀾亭詩危亭高處倚巖隈西望蒲昌
海浪回山戴鰲頭天外出水游鱗穴地中來

千重側崦扶搖沒萬里分流混沌開
今尹觀瀾知道大三并窮邑更淹才

灌水亭 延祐四明志在象山縣西一百步西谷之

南宋治平中令林旦建

濯纓亭 延祐四明志在象山縣西谷宋治平中令

林旦建

香風亭 更好亭 延祐四明志皆在象山縣治西

宋慶元初令趙善與建

照香亭 延祐四明志在象山縣治宋令趙善與建

圓嶠亭 延祐四明志在象山縣東三里東谷桃花

溪之南宋嘉定十二年令趙善晉建

方壺亭 延祐四明志在象山縣鳳躍泉之南林木

陰翳巖崖卓峭嘉定十二年令趙善晉建

滌塵亭 延祐四明志又名東谷泉亭在象山縣東
北嘉定十二年趙善晉建

白鹿飲泉亭 嘉靖寧波府志在象山員峯山北相
傳白鹿飲泉於此後人創亭其側

斲雲亭 庶泉亭 浮香亭 延祐四明志並在昌
國治後

冰壺亭 延祐四明志在昌國縣芙蓉洲舊名清遠
宋乾道六年簿趙善譽易之

受降亭 定海縣志在觀山明嘉靖時總制胡宗憲

總兵盧鏜受降汪直建

明秀樓 延祐四明志在府治清心堂西宋守程覃

建

鎮海樓 延祐四明志在府堂之東偏宋寶慶二年

守胡槩建

吳潛鎮海樓詩鄞山深處古明州新有江南客倚樓鳳閣天連宜望日蛟門海

宴不驚秋頭顱已近殘年景身口脚為卒歲謀蕭颯西風吹落葉滿林清露自難收

甬江樓 呂祖儉新建甬江樓記舶務東負郡城乾

道元年監務事楊芾仲章建樓於其上距今二十
年樓名未立通守丹陽蘇公實臨舶事覽其山川
之勝而一新之因名以甬江

鄞縣志府治東
南靈橋門裏

雙瑞樓 延祐四明志在春風堂南宋守程覃建適
民以駢幹之粟來獻而名之

明遠樓 至正四明續志在帥府南子城上宋至治
元年建

瑞光樓 名勝志元末東甌高則誠主於櫟社沈氏

之樓居因作琵琶記成時清夜按拍几上蠟炬二
枝光忽交合遂名

萬金樓 延祐四明志馮氏有萬金樓

周鏐萬金樓詩幾年江上

夢黃鶴意悠悠百尺獨臨水萬金難買秋杵聲
喧藥市闌影枕漁舟應有壺中客分身向此游

東樓 西樓 天啓慈谿縣志東西郭皆有酒樓東

樓自東郭橋至接官亭西樓乃今山川壇基宋元
以來皆為戲臺歌鼓之聲不斷臺之四面皆樓樓
前商舶雲屯往往於樓上宴樂

介白樓 嘉靖寧波府志在慈谿縣西北二十里茅山散人故宋禮部郎中劉揚祖也入元後徙家雲湖寺山之東原建介白樓為讀書之所

宣明樓 嘉靖奉化縣志為縣之外門始於宋令婁紹聃元知州周仲厚為石臺置漏以警晨昏

擁翠樓 貝瓊擁翠樓記奉化依山為縣處士汪幼海徙家縣治東即後圃建樓為登眺之所

觀蜃樓 寧波府志在鎮海縣伏龍山

望稔樓 延祐四明志在象山縣治西圃左宋慶元

初令趙善興建

十洲閣 嘉靖寧波府志在月湖之濱

澄輝閣 嘉靖寧波府志在月湖之濱

周鈔澄輝閣詩雄連俯空

潤下瞻霄漢浮眼將雲漠漠心寄水悠悠日暖鳥飛鏡月涼魚弄鈎行期分此景家在甬西頭

紅蓮閣 名勝志在月湖中宋章得象倅郡時建

經綸閣 輿地紀勝在鄞縣治因王安石作徐度記

臨雲閣 舒亶有臨雲閣詩見延祐四明志

滄洲閣 朱翌廣生堂記復放生池於西湖因創閣

宸奎閣 寧波府志在鄞縣東五十里阿育王山廣

利寺內宋大覺禪師懷璉建蘇軾為記其碑尚存

海光閣 延祐四明志舊名多稼亭在定海縣治西

北宋嘉定間令崔端學建

百花臺 成化四明郡志在桃源洞前宋守曹泳建

自遠臺 至正四明續志在郡圃即木香臺

寧波府志宋吳

潛建

讀書臺

寧波府志在鄞縣治宋慶歷七年王安石

宰鄞時所築遺址尚存成化四明郡志鄞縣東四

十里梨花山有史嵩之讀書臺

釣臺 成化四明郡志慈谿縣西南二十五里釣魚

山上世傳謝靈運釣於此

妙高臺 名勝志在奉化縣雪竇山

鯉臺 延祐四明志在奉化橫山上有石文如篆

曉峯臺 定海縣志在縣西南曉峰山可望日出

徐偃王宅 成化四明郡志隱學山在鄞縣東東錢湖畔舊名棲真徐偃王隱學於此一云在翁洲王十朋會稽賦翁洲訪偃王之廬

董孝子宅 嘉靖寧波府志在鄞縣西南百餘步孝子名黯其宅今為純德廟舊志謂即其故居立廟則黯本鄞人也鄞故鄞地虞翻謂為句章人據其徙居慈谿言之而唐崔殷廟碣乃仍其誤

張平子宅 四明山志四明山連脊起峰中有三峯

鑿足以立漢張平子居焉

梅福宅 成化四明郡志鄞縣東南七十里大梅山
蓋梅福隱宅也按福傳王莽專政福一朝棄妻子去
後有見福於會稽漢時鄞屬會稽山中有石洞仙
井藥爐丹竈遺跡猶存

徐浩宅 嘉靖寧波府志在鄞縣南四明山下浩先
居越為唐中書舍人貶明州別駕遂居於此

賀知章宅 嘉靖寧波府志鄞縣西南句章鄉小溪

之馬湖世傳賀監舊宅

成化四明郡志鄞縣西南
居奢橋西唐賀知章所居

有衆樂亭相距三里名賀家灣其地賀姓甚多賀
藍後徙剡川有回鄉詩張時徽府志存疑賀知章
按舊唐書與會稽志俱為越州永興人考永興乃
今蕭山縣古今之志四明者並載之非以其自號
四明狂客故耶四明山在會稽跨寧紹之境不專
屬鄞今郡城中月湖上有賀監祠故傳為賀監蹟
書處鄞之句章鄉小溪有馬湖云賀氏洗馬池相
距三里有賀家灣至今賀姓者尤多又掘土得斷
碑有會稽郡賀府君六字者老皆謂賀監故宅始
實居此後徙剡川然剡乃嵎地實與奉化接壤
奉亦有剡溪我明郡水源皆自剡也況馬湖又與
奉接壤地而賀監子曾子故為會稽郡司馬六字
碑豈其墓碣耶是皆不可考然賀監舍宅為觀名
千秋考會稽志今天長觀是也云去府東南十二

里又請周宮湖為放生池一日永周湖今池去府東南十里史浩為安撫使又於其地為亭名懷質種種古蹟遺翰如知章三告龍瑞宮記等多在山會間其墓在山陰縣東南九里其地因名九里墓在山巔鄉人呼為質

墓其為越人明矣

註按知章宅故在越因舊志所有且有張時徹之辨故存之

黃晟宅 嘉靖寧波府志在鄞縣東二十五里鄞塘

鄉任飲飛兵馬使後遷明州刺史遂家於此

萬歷象山

縣志象山縣東北四十里荷花橋有黃晟宅今十七都二十四都黃姓皆其苗裔

謝遺塵宅 四明山志唐謝遺塵隱於四明南雷訪

陸龜蒙語以山中之奇品為九題曰石室過雲雲
南雲北鹿亭樊榭潺湲洞青櫺子鞠侯皮日休和
之

錢塤宅 名勝志東錢湖在鄞縣東三十五里舊名
西湖宋錢塤世居湖上好學有節槩與同里高友
文以談經史相資廓落世務

趙善湘宅 鄞縣志縣治南一里握蘭坊左宋宗室
趙善湘所居稱趙王府

樓昇宅 成化四明郡志在鄞縣西南畫錦坊

鄞縣志昇

以孫鑰貴贈太師稱樓太師府故里名畫錦

豐稷宅 嘉靖寧波府志在鄞縣西南五十里董母

墓北稷仕至工部尚書致仕歸由小溪鎮之蕙江

徙居於此

曾鞏送豐稷歸故里詩桃花染破南山青漢江此時春水生客舟相語人夜起

勁鶻亂江犀雁聲夫君飄泊動歸思告我舉裝千里行闔才壯思風雨發綠鬢少年冰雪清讀書一見若經誦下筆千言能立成精微自得有天質操行秀出存鄉評嗟從薄祿因流滯能誘鄙俗消紛爭絃歌躬勸士強學田里安堵人力耕嗟予據案但畫諾遇事縮手方蒙成雖知璞玉難強獻欲挂

塵榻空谷情歲寒不變乃知確物理先否終
當身維舟且盡今夕語明日帆隨白鳥輕

魏杞宅 嘉靖寧波府志在鄞縣南小溪鎮杞官學

士既罷歸卜居小溪之上手不停披著山房集

陳瓘宅 成化四明郡志在鄞縣治南之西湖瓘字

了翁南劍人嘗攝明州倅寓居湖上著四明遵堯

集

陳之翰宅 嘉靖寧波府志鄞縣治西南月湖之上

處士陳之翰讀書之所

汪大猷宅 洪邁友恭堂記友恭堂者鄞江汪氏所

立也其宅在鄞縣西三十里嘉靖寧波府志鄞縣

西山之潘魯宋敷文閣學士汪大猷所居

趙汝愚
送汪大

猷歸鄞詩尚書天官貴持經侍幃幄青冥欲無際
白首非故約連檣動南浦父老望巖壑下車入里
門執手問歡樂十年幾風雨寒鷄叫屋角勤勞畢
吾分帝賚出寵渥我造奉香火禁直連六閣遂令
宣室思從今問晦朔朱熹送汪大猷歸里詩漉漉
才華耀禁林翩然忽起故園心九天得請恩方重
一舸東歸春木深照眼湖山非昨夢及時詩酒
合同襟不應便作真狂客講殿行思聽履音

陸寔宅 至正四明續志鄞縣南四十里梅溪灘上

宋會稽陸判官真卜居於此奉祠垂三十年工詩
及書法

史浩宅 鄞縣志在縣治西南一里月湖之東太師
宅乃宋之賜第故稱史府

王珩宅 嘉靖寧波府志鄞縣西三十五里桃源鄉
宋宗正少卿王珩所居父說建桃源書院

王次翁宅 嘉靖寧波府志鄞縣治西南二里西社
壇橋宋參知政事王次翁所居次翁善太元數未

老致仕治第西湖為退休之所

趙遵宅 成化四明郡志在鄞縣南五十里宋隱士
趙遵待制粹中之子隱於茅山之陽屢薦不起

趙彥逾宅 成化四明郡志在鄞縣西南錦里橋北
宋紹興間郡人學士趙彥逾仕資政殿大學士知
慶元府兼沿海制置使所居故名錦里

張即之宅 書史鄞縣西南有林村市宋學士張即
之之祖邵居此其家近資教寺故寺多其墨跡云

袁甫宅 鄞縣志在縣治西北一里鑑橋下之西宋
尚書袁甫以狀元及第故傍有狀元坊

陳墳宅 鄞縣志在縣東四十里寶幢市墳以省元
任吏部侍郎里有省元坊

范楷宅 嘉靖寧波府志在鄞縣東楷以權工部尚
書言李全罷歸築室萬齡鄉至今稱尚書村

傅行簡宅 嘉靖寧波府志在鄞縣治西北五十餘
步鑑橋頭行簡宋嘉泰二年狀元宅傍有狀元橋

王應麟宅

嘉靖寧波府志鄞縣治南一里宋尚書

王應麟所居其父撝為宗政殿說書理宗御書飛

白汲古傳忠四字扁其堂至今稱王家府

閻澤宅 成化四明郡志慈谿縣東北十里閻峯山

吳太子太傅都鄉侯閻澤所居

慈谿縣志唐大中二年令李楚臣立

為德潤院

虞喜宅

嘉靖寧波府志慈谿縣北鳴鶴山

四明山志大隱

山北峯為四明東麓晉虞喜嘗隱此山三台不起

虞九皋宅 名勝志在鳴鶴山唐元和間虞九皋字

鳴鶴居此

天啓慈谿縣志九皋世南之孫世南宅即在此

孫惟最宅 嘉靖寧波府志慈谿縣西南四十里孫

家坪唐靜海軍節度使孫惟最所居

呂珂宅 天啓慈谿縣志在縣西南二里唐儀鳳三

年邑大夫呂珂以所居捨為寺今為永明寺

張無擇宅 嘉靖寧波府志在慈谿縣治西南孝子

名無擇為唐刺史今即其宅為廟祠之

黃震宅 天啓慈谿縣志縣北五十里地名古窰有
卧床橋為宋文潔先生黃震讀書處

孫夢觀宅 嘉靖寧波府志在慈谿縣治西街宋侍
郎孫夢觀即節度惟最之後今有孫家橋

張處宅 嘉靖寧波府志慈谿縣東南二十里宋侍
郎張處所居俗稱小鄞州

楊簡宅 慈谿舊景董孝子廟之西為野航橋楊簡之
西宋慈湖先生卜居於此後為慈湖書院

嘉靖
奉化

縣志縣東一百里為瑞雲山楊文元公生於此始
生時有五色雲起蓋山上鄉人異之因名瑞雲山

方山京宅 嘉靖寧波府志在慈谿縣東之大方橋

宋景定三年進士及第方山京所居

姚登孫宅 名勝志慈谿縣雙峯山宋末姚登孫隱

此

孫印宅 嘉靖寧波府志在奉化縣東北唐右拾遺

孫印所居其裔名沔者為宋名臣宅今為淨惠寺

杜勝先宅 嘉靖奉化縣志在縣北杜勝先東陽人

唐長慶間為御史中丞居縣之招賢墟即今杜坂樓郁宅 嘉靖寧波府志在奉化縣東正議大夫樓郁所居今為吉成寺

林逋宅 嘉靖寧波府志奉化縣東黃賢村宋處士林逋所居後隱杭之西湖

竺汝舟宅 名勝志奉化縣桃花坑昔隱士竺汝舟與太白禪師往來至此居之留偈云昔是神仙宅今為長者居

蔣浚明宅 嘉靖寧波府志奉化縣北三嶺村宋金
紫光祿大夫蔣浚明居此

舒璘宅 嘉靖奉化縣志在縣東五里廣平里璘諡
文靖其子孫即所居之傍創廣平書院

王宗道宅 嘉靖奉化縣志縣東二里東市宋王宗
道所居別號怡齋乃時叙之子今名雙桂坊

仇愈宅 嘉靖寧波府志奉化縣北五里沙堰宋開
國伯仇愈之宅今子孫即所居之傍立廟祀之

陳著宅 嘉靖寧波府志奉化縣西六十里三石村

宋祕書監陳著所居

曹孝先宅 嘉靖寧波府志奉化縣西六十里三石

村宋承直郎曹孝先所居

戴表元宅 嘉靖寧波府志奉化縣西坑村元戴表

元所居人稱江南夫子

戴表元質野堂自記荆源先生幼而鷺居長而浪游

老而羈棲以為異時倘得餘閒營一區之宅則將名之質野大德丙午始議興築不三月而堂成以次充安閣岩堯亭縮軒雪鏡諸役仍舊名而增新構凡一百三十六楹溪山面勢烟雲情親無不欣

合幸得成之而得自名之而何不可樂乎
按趙孟頫松雪齋集有縮軒記

任士林宅 嘉靖奉化縣志縣南五十里鮎埼村宋

松鄉先生任士林所居

樂仁規宅 嘉靖寧波府志定海縣南四十五里靈

巖鄉唐尚書樂仁規與弟尚書仁厚所居

余天錫宅 嘉靖定海縣志縣東二百里甬東村宋

叅知政事余天錫所居

沈煥宅 嘉靖定海縣志縣西南東山下宋沈端憲

煥所居縣東有南山書院為煥講學之地

倪九疇宅 萬歷象山縣志九疇平陽人唐昭宗時

官招討副使抵象之繪棚嶺遂卜居焉

俞懋文宅 萬歷象山縣志九都金字山下宋侍郎

俞懋文及孫承簡世居於此

楊王休宅 嘉靖寧波府志象山縣治後宋尚書楊

王休居此

應儼宅 嘉靖寧波府志昌國城中宋參知政事應

儼所居後徙於鄞

四明窻 成化四明郡志在郡治吳潛既增浚舊池
跨兩虹於上而闢虛堂於中公謂四明洞天為石
窻此堂戶牖四達遂題曰四明窻

桂林 嘉靖寧波府志鄞縣西二十里地名桂林宋
初忠宣公俞鼎由吳興來鎮浙東卜居於此

義門 嘉靖寧波府志鄞縣南一里元提舉蔣明道
所居內有宋建義門祠堂一所

菊村 嘉靖寧波府志鄞縣西二里宋忠臣袁鏞之
孫士元所居士元為翰林國史院檢閱晚隱城西
別墅種菊數百本自號菊村老人

瑞室 鄞縣志薛維字持國敦尚古道結廬張村宋
淳熙間遭回祿所居獨完樓鑰題曰瑞室

冥菴 鄞縣志在縣西六十里密巖山下宋尚書陳
顯因沮用蔡京貶知越州歸作冥菴以自晦

萬竹廬 嘉靖奉化縣志縣西南六十里高元之所

居元之本鄞人以父世植葬奉化之察廉岡因是
結廬萬竹之間故稱萬竹先生

金鐘墩 成化四明郡志在奉化縣北十里大溪間
昔傳錢氏載大金鐘過此沉焉漲沙成墩

萬松窩 萬厯象山縣志在縣東宋下大亨以丞相
范宗尹薦避跡錢倉結窩山隈植萬松於徑

思孝廬 萬厯象山縣志在縣西金龜山孝子名缺
父母沒哀毀骨立既葬築廬於墓前郡守胡榘為

之立碑扁其廬曰思孝

梅子真煉藥處 吳萊甬東山水古跡記在昌國梅

岑山

安期生隱處 延祐四明志安期生洞在昌國馬秦

山

吳萊望馬秦桃花諸山問安期生隱處詩此去何可極中心忽有思亂山插滄海千層壯且奇

信哉神仙宅而養雲霞姿雕鏤鬼斧舂刮濯龍湫移坎窟森立劍槎牙割靈衍微注赤岸水暗產瓊田芝老生今安在方士不我欺往過燕齊靡出沒楚漢危峽山作書鎮分海為硯池殘花錦石爛淡墨珠巖披東漢地涵畜北極天翰維玉鳥投已遠系田變離期唐追凌波步行折拂日枝羽丘杳如

夢元圃深更疑豈無抱朴子去我
乃若遺空餘煉藥鼎尚有樵人知

靈山石鼓 太平寰宇記鄖縣靈山有石鼓臨澗若

鳴則野雉翔鳴

慶安古松 天啓慈谿縣志縣西北慶安寺前古松
夾道綿亘數里其一最巨而奇蜿蜒若龍飛偃如

蓋臨池之上

馮輓止代慶安寺古松詩寒松一幹
老蒼蒼古寺門前歲月長匠作偶圖

舟楫利禪翁方患斧斤傷得全此日同齊木勿剪
他年比名棠可但與君期久遠相將俱列大夫行

古棠 名勝志奉化縣高公塘唐武德初設鎮於此

本晉孫興公游四明得棠一本植之後訛棠作塘

藤龕

名勝志奉化縣雪竇山上

李源藤龕詩雪山
萬年藤藪蔓修為

龕禪師與世絕巢臥參瞿曇夜雨澗邊磬
秋風雲外卷余訪遠公社思投陶令簪

古樟 嘉靖奉化縣志青錦山下有古樟木甚巨藤

繞其上狀如虬龍

秀峯柏 成化四明郡志定海縣東南六十里秀峯

山下古柏甚巨唐朝舊物

浙江通志卷四十三

欽定四庫全書

浙江通志卷四十四

古蹟

六

紹興府

上

越古城 吳越春秋越王曰寡人欲築城立郭分設
里閭欲委屬於相國於是范蠡乃觀天文擬法於
紫宮築作小城周千一百二十一步一圓三方西
北立龍飛翼之樓以象天門東南伏漏石竇以象

地戶陵門四達以象八風外郭築城而缺西北示服事吳也不敢壅塞內以取吳故缺西北而吳不知也城既成而怪山自來范蠡曰臣之築城也其

應天矣崑崙之象存焉

太平寰宇記廢郡城在山陰縣南三里萬曆紹興府

志越時古城以今地考之在西南西北二隅之內

越小城 越絕書句踐小城山陰城也周二里二百

二十三步陸門四水門一

嘉泰會稽志今廢惟越王臺遺址尚存

越王城 嘉泰會稽志山陰越王城在府西南四十

七里舊經云越王墓在古城村今城雖不可攷然地名猶曰古城也

陽里城 越絕書陽城里者范蠡城也西至水路水

門一陸門二

萬歷紹興府志山陰陽里城地名陽城里

北陽里城 越絕書北陽里城大夫種城也取土西山以濟之徑百九十四步或為南安

苦竹城 越絕書苦竹城者句踐伐吳還封范蠡子也其僻居徑六十步因為民治田塘長千五百三

十三步范蠡苦勤功篤故封其子於是去縣十八

里

水經注山陰縣有苦竹里里有舊城句踐封范蠡子之邑嘉泰會稽志在山陰縣之西南二十

九里萬曆紹興府志凡越絕所稱縣皆山陰縣也

石城 萬曆紹興府志山陰石城在府北三十里名

石城里

吳越備史乾寧三年武肅王討董昌自西陵趨石城

古城 弘治紹興府志周一里許吳時朱然為山陰令所築歲久湮廢不可考

會稽山上城 越絕書會稽山上城者句踐與吳戰

大敗棲其中因以下為目魚池其利不租

圖經在縣東南

一十里句踐為夫差所敗以甲楯五千保於此城也

會稽山北城

越絕書會稽山北城者子胥浮兵以

守城是也

嘉泰會稽志吳王城在會稽縣東一十里夫差圍句踐於會稽山伍員築此城

以屯兵華氏攻古有大吳王村小吳王村並是闔閭夫差伐越所舍處也今吳王里尚沿其名

南小城

越絕書東郭外南小城者句踐冰室去縣

三里曰冰室者所以備膳羞也

侯城

嘉泰會稽志侯城在會稽縣東五十八里史

記云夏后氏少康封子無餘於越所都即此城也

土城 吳越春秋越王使相者國中得苧蘿山鬻薪

之女曰西施鄭旦習於土城臨於都巷三年學服

而獻於吳

名勝志今五雲門外有土城村西施里是其遺跡

西陵城 越絕書浙江南路西城者范蠡敦兵城也

其陵固可守故謂之固陵水經注范蠡築城於浙

江之濱言可以固守謂之固陵今之西陵也

寶慶會稽

續志西城在蕭山縣西十二里吳越武肅王以陵非吉語遂改曰西興今按越絕書浙江南路西城

者范蠡屯兵城其陵固可守故謂之固陵
詳此即今之西陵也圖經前志俱未引及

謹按會稽志既列西陵城在蕭山縣西十二里又
列越王城在縣西九里據會稽續志之辨證之水
經注之文是會稽志誤一城為二也又攷會稽志
引皮光棠錢武肅廟碑有城西陵事云舊基在明
化寺南當是錢王又增築城因有改陵為興之語
遂指越王城為越王建西陵城為錢王建失越絕
水經注
之義矣

錢清城 弘治紹興府志錢清城在錢清鎮今廢

嵩城 嘉泰會稽志在上虞縣西北六十里其城斷

絕橫亘數里乃古壘也晉史載安帝隆安間孫恩

自海攻上虞朝廷遣劉牢之袁松築扈瀆壘沿海

備恩嵩城之名當始於此

太平寰宇記上虞縣故城今縣西廢城是也

剡城 元和郡縣志漢舊縣故城在今剡縣西南十

二里剡錄漢剡縣城在今縣東北

嘉泰會稽志在嵯縣西十五里

唐武德四年置嵯州及剡城縣八年廢弘治紹興府志剡城按舊志在縣西十五里舊經云在縣西四十五里與舊志不同址不可攷

新昌土城 萬曆新昌縣志新昌土城久廢無攷惟

存迎恩鎮東候仙拱辰四門名而已竊疑東堤舊

址首起龍山尾接北鎮其蹟略如城制或即此耳
越王無餘舊都 水經注秦望山南有嵯峴峴裏有
大城越王無餘之舊都也

越王宮臺 越絕書句踐小城今倉庫是其宮臺處
也周六百二十步柱長三丈五尺三寸雷高丈六
尺宮有百戶高丈二尺五寸稷山者句踐齋戒臺
也龜山者句踐起怪游臺也東南司馬門因以照
龜高四十六丈五尺二寸周五百三十二步駕臺

周六百步今安成里離臺周五百六十步今淮陽
里丘美人宮周五百九十步陸門二水門一今北
壇利里丘樂野者越之弋獵處大樂故謂樂野其
山上石室句踐所休謀也去縣七里中指臺馬丘
周六百步今高平里丘北郭外路南溪北城者句
踐鼓鐘宮也去縣七里其邑為龔錢舟室者句踐
船宮也去縣五十里吳越春秋東武起游臺其上
東南為司馬門立增樓冠其山巔以為靈臺

水經注怪

山者越起靈臺於山上
又作三層樓以望雲物
起離宮於淮陽
越舊經淮陽宮在會

稽縣東宿臺在於高平
越舊經中宿在會稽縣東十里駕臺在於

成邱立苑於樂野
十道志樂野句踐以此野為苑今有樂瀆村燕臺在

於石室
越舊經燕臺在州東南十里齋臺在於襟山
越境無襟山當作稷

稷山在會稽縣東五十三里句踐之出游也休息食室於冰厨

水經注鼓吹山之西嶺有賀臺越伐吳還而成之

故曰賀臺

句踐宗廟 水經注句踐所立宗廟在城東明里中

甘滂南

靈文園 元和郡縣志山陰故靈文園也

明一統志漢文皇帝母

薄太后之父會稽人卒葬於此追封靈文侯故置園

漢都尉治 越絕書漢文帝前九年會稽并故鄣郡

太守治故鄣都尉治山陰

太平寰宇記山陰縣本秦舊縣置在會稽山北

龜山西漢以為郡都尉所居嘉泰會稽志文帝時會稽吳王濞封國漢不當置都尉攷漢紀景帝中二年始更郡尉為都尉則文帝時其官稱亦未應有都尉之號也

唐府僉廳 名勝志蓬萊閣之東唐大厯中皇甫溫

建御史大夫崔元翰為記後唐天復間改建安撫
僉廳即鎮東軍監軍使院宅也

唐浦陽府 隆慶山陰縣志在縣西四十里唐書云
會稽有府曰浦陽蓋唐之兵府也

古教場 弘治紹興府志自晉以來教場並在五雲
門外唐遷城西迎恩門外今謂之古教場宋時有
二一在稽山門內一在卧龍山上

吳越王東府 吳越備史唐乾寧三年武肅王平董

昌改威勝軍為鎮東軍拜武肅鎮海鎮東軍節度
遂有越州之地梁開平二年陞為大都督府謂之

東府周廣順元年大元帥吳越國王即越州東府

築宮室治園圃花卉山石池塘亭苑

嘉泰會稽志
卧龍山之東

麓是為鎮東軍節度即子城之東為軍門榜曰鎮
東軍東向大河即舊經所謂單醪河也足即府治
吳蛻鎮東軍使院記元帥彭城王平難帝命兼而
鎮之上將軍汝南周公監護之乃命軍吏揆日經
始累月工畢重門列楹顯敞豐博東廂西序窈
窕深邃越城之中稱為一絕時天復元年也

宋行宮 中興小歷高宗以越州治為行宮

嘉泰會稽志紹

興元年九月高宗駐蹕會稽以州治為行宮
會當郊祀乃行明堂大禮即以設廳為明堂

宋福王府 萬歷會稽縣志在府東坊宋嘉定十七
年理宗即位以同母弟與芮奉祀父榮王開府山
陰戢山之南府東大池其臺沼也

宋提刑司治 輿地紀勝在府治之東前臨運河與
蓬萊閣相望

宋提舉司治 輿地紀勝在府衙東一里紹興末以
賜皇姪恩平郡王璩而遷倉司於鎮東門外尋以

新衙改賜恩平而司復還其舊今治所是也

宋通判廳 嘉泰會稽志北廳在府東六十步南廳在府南六十四步東廳在府東南八十五步

宋路鈴轄廨 嘉泰會稽志在府東北一里二百五十五步

宋曹官廨 嘉泰會稽志簽書節度判官廨在府治西南二百七十步觀察判官廨在府治南二百六十步觀察推官廨在府治東北一里錄事參軍廨

在府治西南宣詔亭下司理叅軍廨在府治南獄
在馬司戶叅軍廨在府治東南一里司法叅軍廨
在府治東南二里

宋軍營 沈立越州圖序越為畿輔其軍營制度皆

隄禁衛廂兵之法

嘉泰會稽志雄節係將第一指
揮營在第五箱秦望門威捷係

將第二指揮營在第一廂都亭橋威果係將第念
二指揮營在第四廂鯉魚橋威果係將第念三指
揮營在第三廂水溝坊全捷係將第四指揮營在
第五廂秦望門全捷係將第五指揮營在第三廂
水溝坊威果不係將第五十四指揮營在第五廂
卧龍坊全捷不係將第十三指揮營在第五廂秦

望門防守步軍司指揮營在攢宮禁園外崇節第七指揮營在第五廂秦望門崇節第八指揮營在第一廂錢武肅廟壯城指揮營在第一廂北善法寺側牢城寧節第二指揮營在第一廂馬坊橋東屯駐營在第五廂附威果營都四堰營曹娥堰營在會稽縣東南梁湖堰營在上虞縣西錢清南堰營在山陰縣西錢清北堰營在蕭山縣東打竹寮營通明堰營在上虞縣東西興捍江營在蕭山縣西三江寨屬山陰縣曹娥寨屬會稽縣龕山寨西興寨西興都巡寨魚浦寨新林寨屬蕭山縣廟山寨三山寨眉山寨屬餘姚縣長樂寨屬嵊縣管界寨紫巖寨屬諸暨縣

宋倉庫 弘治紹興府志宋代倉庫之制立法最詳

今時制度尚有仍其舊者

嘉泰會稽志苗米倉在府衙東二百步如坻倉

在府衙東北一里支鹽倉在府衙東二里常平倉
在府衙東二百步夏麥倉在府衙南二百步受納
糯米倉在西門外一里都稅務在府衙東一里九
十步都酒務在府衙南一百二步比較務在府衙
南一百步和旨庫在府衙東二百六十步激賞庫
在府衙東二里十步公使庫軍資庫甲仗庫並在
府衙架閣庫在府衙設廳北常平茶鹽庫在府衙
西經總制庫移用庫五分錢庫並在通判北廳激
賞錢庫在府衙西回易庫在府城東北醋庫在府
城東造袋局在府東北提舉司惠民局在府東湯
浦紙局新林紙局楓橋紙局三界紙局合同場都
物料場在府衙南子城內受納稅場在府衙內抽
解竹木場在府橋收糶糯米場在迎恩門外受給
場在府城東二十五里排岸司在城南卧龍坊都
作院在府衙南省馬上院省
馬下院替火隊並在府衙西

宋亭館 嘉泰會稽志府城蓬萊館在卧龍山之左

東問津亭北通川亭皆臨府東大河即古簞醪河

水光映發望之如圖畫舟車既屆必有次舍實一

州佳觀也子城東門有豐宜館今為觀察判官署

城西迎恩門東五雲門有分香亭以送迎御香由

陵寢是也按圖經唐觀察使李紳嘗於府東建候

軒亭今廢府東北有安輶驛是為輶亭亦廢

錄光
薛皮

光業微時嘗夢至候軒亭亭中土偶皆列拜覺而
自負後果知東府程忠惠帥越時亭尚無恙公出

其織風寘蘭上或謂亭神為崇公怒毀之今市人猶稱候軒亭陸游寓蓬萊館詩朱門高柳畫橋南掠面風埃喜解驂霽日偶逢春盎盎野人不慣屋潭潭堂中刺喜替裾集樓上時聞鼓角酣明發扁舟覓歸路趁時

吾欲事農蠶

宋貢院 紹興府志在郡城西北隅今題曰古貢院

山陰縣志縣北錦鱗橋
宋時浙東貢院故址

宋社稷壇 嘉泰會稽志在府城南二百九十步初政和間頒大晟樂祭社稷

宋山陰縣舊治 山陰縣志在府治南寶林山麓其

創建無可考

於越新編卽宋
省馬院之故址

元錄事司治 弘治紹興府志元時以府治為路廨

別置錄事司於府治東十五步

唐永興縣治 萬厯蕭山縣志天寶元年改永興為

蕭山縣攷永興舊治當在長興鄉蕭然北幹之間

故開元時有韋知微之事是改縣名時即改治矣

唐永興簿廨 萬厯蕭山縣志唐天寶前縣治疑在

長興鄉主簿廨內有靈泉駱賓王為頌

越王允常故都 元和郡縣志諸暨縣越王允常所

居

會稽三賦注少康庶子封於會稽後二十餘世至於允常吳越春秋云越之興霸自允常始

漢漢寧縣治

嘉泰會稽志興平二年分諸暨大門

村為漢寧縣吳改吳寧縣今大門里或即其地

宋義安縣治 嘉泰會稽志乾道八年分諸暨之楓

橋鎮為義安縣淳熙元年廢遺址尚存

漢始寧縣治 嘉泰會稽志順帝時分上虞南鄉為

始寧縣隋廢

萬厯紹興府志三界市即漢始寧縣址

漢司鹽都尉治 水經注江水東逕上虞縣南至王莽之會稽也本司鹽都尉治地名虞賓

漢剡縣治 嶧縣志按會稽記云縣治在江東吳賀齊為令始移今治

唐剡城縣治 嘉泰會稽志武德四年析剡為剡城縣七年廢入剡縣

在今嶧縣境

西園 齊唐王公池記在卧龍山之西方錢氏仗鉞時穿渠引湖水為後庭權謳鳧雁之樂邦人不與

其觀本朝受圖且百年治越者始築為西園

嘉泰會稽

志府西園之新蓋自樂安公蔣堂景祐三年冬公實始闢金山神祠作正俗亭又為曲水閣流觴亭茂林亭並取永和故事後六年而向公傅式來有淶波亭見向公詩又於城上起望湖樓清曠亭自是以後扁榜位置更易不常莫得盡攷而西園如故也今西園有飛蓋堂宣和書學博士徐兢書堂後有王公池由太守王逵而名池北有亭曰漾月堂之前四亭對峙曰冬瑞春榮秋芳夏蔭史文惠公所建直堂之南為橋橋外有亭曰水竹循橋而西有數徑詰屈相通於竹叢亂石間得立石如里堠者二及其上亭宇亦皆史公所建者茂林鄉蘭亭里東流杯巖西右軍祠南修竹塢北數榮門佳山鄉鷺池里東清真軒西崇峻庵南聘懷亭北曲水曲水之東欄楯相接若閣道者曰惠風閣由惠

風歷清直西南登城亭曰列翠列翠以北曰華星亦城上亭餘多無扁不具載蓋西園燕休則飛蓋堂最勝觴詠曲水最勝登覽之勝則列翠矣呂祖謙入越錄西園郡圃也其北飛蓋堂下臨大池其中集春堂四隅各一亭其南揚波堂面城兩小亭對峙東曰逍遙西曰裴回園之西即曲水詩巢倡和集序越人即西園故址構廬以祀唐賀知章秦系方干宋陸游元楊維禎明徐渭六君子名曰詩巢國朝康熙間商和何嘉珩等重葺集同志聯吟其中

東園 名勝志府署卧龍山東麓

陸左丞園 嘉泰會稽志府城卧龍山麓舊有陸左

丞園

小隱山園 名勝志在郡城西南鏡湖中四面環水

嘉泰會稽志地名侯山晉孔愉嘗居此皇祐中太守楊紘始往游而愜焉其主王氏以其圖來悉與之名山曰小隱之山堂曰小隱之堂池曰瑟瑟之池亭曰勝爽曰忘歸曰湖光曰翠麓又有探幽徑擷芳徑捫蘿磴百花頂山之外有鑑中亭倒影亭皆楊公命名而通判軍州事錢公輔又為刻石紀之後百年寔廢少師陸公宰嘗得之以為別墅作賦歸堂六友堂遐觀堂秀發軒放龜臺蠟屐亭明秀亭挂頰亭撫松亭皆少師所扁也

方干別墅 嘉泰會稽志在山陰鏡湖中其自為詩云寒山歷鏡心今禹廟東有寒山或云即其故處

於越新編又曰方干島一名笋莊方干鏡中別業
詩寒山歷鏡心此處是家林梁燕窺春醉品猿學
夜吟雲連平地起月向白波
沉猶自聞鐘角棲身可在深

孔稚圭山園 太平寰宇記尚書塢在會稽縣東南

三十三里宋尚書孔稚圭之山園也

嘉泰會稽志
山陰縣尚書

塢因稚圭之園以得名也今園已不可見而尚書
塢仍存弘治紹興府志稚圭宅舊志所傳不一其
處

齊氏園 嘉泰會稽志在會稽縣東少微山齊唐分

司東歸遂家馬山之上下有芳華亭修竹巖真珠

泉石屋嘉遯亭樵風亭禹穴閣應星亭釣閣自為
家山十詠

賜榮園 寶慶會稽續志在千秋觀前即賀知章宅

園内有亭曰幽襟曰逸興曰醒心曰迎棹皆汪綱

建

汪綱千秋觀柱記敘賜鏡湖水為君臺沼榮此
太白憶賀監詩也千秋觀園成取詩中賜榮字

以扁

云

沈氏園 紹興府志在府城禹跡寺南宋時池臺極
盛齊東野語載陸放翁為故妻唐氏題釵頭鳳之

處

陸游夢游沈園詩路近城南近怕行沈家園裏更關情香穿客袖梅花在淶蕪寺橋春水生

丁氏園

呂祖謙入越記新河有丁氏園

橘園

嘉泰會稽志在會稽縣

李紳橘園詩江城霧斂輕霜早園橘千株

欲變金朱實結時天露近素英飄處海雲深懼同
荆棘愁遷徙每把馨香委照臨憐爾結根能自保
不隨寒暑
換貞心

唐園 施樞唐園詩注內入朝陵於此園供午頓

寓園 山陰縣志去府城西南二十里有寓山崇禎

初御史初彪佳依山作園後彪佳自沉於池而卒

園有八景曰芙蓉渡曰孤峯玉女臺曰迴波嶼曰
梅坡曰試鶯館曰即花舍曰歸雲寄曰遠山堂

北幹園 嘉泰會稽志在蕭山縣北幹山下圖經云

許詢家此山之陽故其詩曰蕭條北幹園也

太平寰宇

記許詢嘗登蕭山憑林構室又蕭山縣西南八十里
有許詢幽居之所徐天祐題許詢舊園詩高樓
不受鶴書招北幹家園久寂寥明
月空懷人姓許故山猶自岫名蕭

始寧園 嘉泰會稽志謝靈運始寧園在上虞縣東

山山居賦云南北兩居水通陸阻南山則夾渠二

田周嶺三苑九泉別澗五谷異巘北山二園南山

三苑其綿亘邈迤可謂廣矣按靈運本傳父祖並

葬始寧有故宅及墅在始寧山中與太傅宅當不

遠

名勝志東山之西一里為始寧園乃謝靈運別墅一曰西莊謝靈運過始寧墅詩束髮懷耿介

逐物遂推遷違志似如昨二紀及茲年緇磷謝清
曠疲蕭慚貞堅拙疾相倚薄還得靜者便剖竹守
滄海枉帆過舊山山行窮登頓水涉盡洄沿巖峭
嶺稠疊洲縈渚連綿白雲抱幽石綠篠媚清漣葦
宇臨迴江築觀基層顛揮手告鄉曲二
載期歸旋且為樹枌檟無令孤願言

花園 萬曆上虞縣志在縣東南宋楊次山置

東園 萬厯紹興府志嵒縣署有東園舊有四山閣
嘉定中令史安之撤而廣之北為面山堂累石為
山玲瓏盤錯注水為池亭榭參差殆十餘所

王氏園 成化新昌縣志在縣南長潭宋丞相王爚
所居有沂春亭蒼雪觀答春堂閑遠樓景物絕勝
涉趣園 成化新昌縣志在縣西狀元坊宋石茂誠
所營中有松洞桃洞虛心菴棲息軒雙清閣可疑
軒殿春徑散金徑

北館 書史羲之為會稽子敬出戲見北館新壁取
帚書方丈二字暎曖斐亶極有勢觀者成市

白涼館 嘉泰會稽志在府廨極覽亭之西南

苦竹館 名勝志在苦竹城 劉長卿晚次苦竹館詩
匹馬風塵色千峯旦暮

時遙看落日盡獨向遠山遲故驛花臨道
荒村竹映籬誰憐却回首步步戀南枝

棲神館 太平御覽在會稽縣宛委山下唐改為懷

仙館 名勝志宛委山陽明洞傍有黃帝候神
館宋尚書孔靈產入道奏改為懷仙館

西陵館 輿地紀勝唐周匡物龍溪人家貧應賢能

之書徒步西上道經錢塘江久不得濟乃於西陵
館題詩云萬里茫茫天塹遙秦王底事不安橋錢
塘江口無錢渡又阻西陵兩信潮至今官渡不受

選人錢

謹按全唐詩匡物此詩題云應舉題錢塘公館然
自龍溪徒步西上則當自越之杭審其詩意亦當
阻於西興輿地紀勝繫之蕭山是
也此詩又作施肩吾畧易數字

日門館 嘉泰會稽志南史杜京產於會稽日門山
聚徒教授紹興府志在餘姚太平山

吳郡杜徵君構宇太平之東結架菁山之北
爰以幽竒別就基址棲集有道多歷歲年

凝虛館

萬歷上虞縣志在縣簿廳側

石曼卿寄題
蘇簿凝虛館

詩越基擅巖壑虛館宅其尤丹甍熠孤飛靈景邈
四周山高晴若陰洞寒夏如幽幄檻庭花發玉環
渠水流閒卧真吏隱乍登仍仙
游居之宜民思無為茲宇羞

鷺山館

萬歷上虞縣志在嵩壩南遺址尚在

太平館

名勝志在嵯縣太白山南史褚伯玉居剡

齊高帝勅於剡西太白山立太平館居之

呂氏莊

嘉泰會稽志出迎恩門有呂氏莊因古城

遺址巨竹森茂莊有亭榭花木可以置酒

麓湖莊 山陰縣志在常禧門外

南莊 陸游有夏夜泛溪至南莊復回湖桑詩

白雲莊 名勝志新昌縣南明山有白雲莊

清白堂 寶慶會稽續志在府治蓬萊閣西康定中

范仲淹作

范仲淹清白堂記府治據卧龍山上有蓬萊閣閣西有涼堂堂之西有巖巖之

下獲廢井泉清而色白淵然丈餘引不可竭因署其堂曰清白又建亭其側曰清白亭時康定元年也王十朋清白堂詩錢清地古思劉寵泉白堂虛憶范公印綬紛紛會稽守誰能無媿二賢風

井儀堂 名勝志蓬萊閣西

錢公輔井儀堂記堂在蓬萊閣之上望海亭之

下西樓其左西園其右成於嘉祐六年主人刁公約景純

逍遙堂

嘉泰會稽志在府治張伯玉寓興詩云旌

麾千騎長風月一堂深即此

清思堂

輿地紀勝在使宅前

嘉泰會稽志按張伯玉清思堂畫坐詩白

雲無事不肯去幽鳥有時還自來今堂在重屋之後畧無所見以前人題詠考之恐非今處

棣萼堂

輿地紀勝在州宅洪內翰邁所名以兄文

惠公嘗守越取綸告中語名之

觀風堂 方輿勝覽在使宅東紹興中曹泳建

王十明觀

風堂詩薄俗澆風有萬端欲將眼力見應難但令心境無塵垢端坐斯堂便可觀

鎮越堂 寶慶會稽續志在府解汪綱建

汪綱鎮越堂柱記嘉

定辛巳予自憲移帥於此築一堂以鎮越名之地高而爽堂奧而明泰望諸山皆欣然領會有効奇猷秀之勢又創行廊四十間於兩翼聯屬蓬萊且并與閣一新之山川朝拱氣象環合而斯堂之勝獨擅於越中矣

雲壑堂 寶慶會稽續志在卧龍之東汪綱建

弘治紹興

府志 堂前有

喬松甚古

賢牧堂 嘉泰會稽志在府廨即清白堂故址越人

建以祀范文正公後史文惠公增趙清獻後又增

丞相朱忠靖公滕非趙忠簡公鼎及叅政張公守

內翰翟公汝文

寶慶會稽續志嘉定中守吳格又增史忠定為七人

志省堂 沈起志省堂記嘉祐五年余自監察出通

判會稽因郡所居之署有大亭錢氏建者余取廢

材隙功治而新之不逾月而告成

壽樂堂 嘉泰會稽志在通判南廳熙寧中簽書判

官太子中舍張次山建即簽判舊廳之南堂也

蘇軾

越州張中舍壽樂堂詩青山偃蹇如高人常時不肯入官府高人自與山有素不待招邀滿庭戶卧龍蟠屈半東州萬室鱗鱗枕其股背之不見與無同狐裘反衣無乃魯張君眼力觀天奧能遣榛棘化堂宇持頤宴坐不出門收攬竒秀得十五才多事少厭間寂卧看雲烟變風雨笋如玉筋椹如簪強飲且為山作主不憂兒輩知此樂但恐造物怪多取春濃睡足午窗明想見新茶如潑乳

民事堂 嘉泰會稽志在通判東廳王十朋簽判日

創

世綵堂 寶慶會稽續志在通判南廳倅史文卿創

桂堂 嘉泰會稽志在通判北廳便廳之南吳興施
宿所建今袁尚書起巖書扁

盡心堂

和樂堂

寶慶會稽續志在提刑司宣和

元年並蔡佃建

澄清堂

寶慶會稽續志在提刑司淳熙中倪思作

堂記

棣華堂

寶慶會稽續志在提刑司淳熙中芮輝建

以其兄曄於乾道中嘗蒞是職

大雅堂 嘉泰會稽志在山陰尉解紹興中尉沈山

作記

寬簡堂 嘉泰會稽志在會稽縣解知縣廬陵歐陽

俛建

王逸少書堂 嘉泰會稽志在山陰蘭亭鵞池墨池
在馬後人追懷風流葺為流觴曲水

湖上草堂 萬歷紹興府志在鏡湖上
釋皎然題湖上草堂詩山

居不買剡中山湖上千峯處處閒芳
草白雲留我住世人何事得相關

蜀山草堂 山陰縣志在蜀山元薩天錫有詩

王處士草堂 紹興府志在會稽唐劉長卿有王處士草堂畫衡霍諸山詩

齊抗書堂 嘉泰會稽志會稽山南別峯曰石傘峯之下有唐齊抗書堂

流光堂 萬歷蕭山縣志在江寺張即之題

江聲草堂 紹興府志在蕭山西興鎮
薩天錫題江聲草堂詩卜

居西陵下門臨大江臯江聲自朝夕豈獨喧波濤
海潮作波浪山岳俱動搖海潮有時息逝水去無

極驚風吹浪花噴剪射崖壁萬籟俱澄心
何必絲竹音月明歌水調驚起蛟龍吟

怡怡山堂 蕭山縣志在北山又名蕭然山堂任長者之別墅劉基王禕多寓此皆有記

碧蓮堂 書史楊次公飛白書在諸暨永慶院

翰墨堂 名勝志餘姚縣治北負秘圖山宋時刻蘇子瞻手翰

嚴公堂 嘉靖餘姚縣志縣署高風閣前令徐端禮

建對嚴光客星山因名

李光嚴公堂詩子陵古真
隱逸氣橫九州平生江海

志自比巢與由鴻飛本冥冥肯為稻梁謀虛屈萬
乘顧枉煩物色求貽書請君房預作腰領憂舜江
子邑里子志踰千秋高山無古今大江日東流人
物浪淘盡英名至今留當年漁釣地陳迹餘空丘

瑞柏堂 嘉靖餘姚縣志元州同知解危素為記

二槐堂 嘉泰會稽志餘姚縣尉解因史丞相浩魏
丞相杞相繼為尉後人遂以為名

世友堂 餘姚縣志在燭溪湖宋嘉定中孫祖佑建

寶慶會稽續志餘姚孫應時號雪齋居餘姚燭湖
上兄子祖佑崇緝先志為新堂曰世友葉適嘗賦
詩

信芳堂 瑞豐堂 萬歷上虞縣志在縣圃並宋令

趙希惠建

讀書堂 萬歷上虞縣志東漢朱侍中儁讀書堂在
縣西北側有洗硯池

謹按弘治郡志載上虞有朱買臣讀書堂傍有洗硯池攷朱儁傳儁乃上虞人以孝養重於鄉閭此堂當是儁也買臣實吳人郡志誤耳

不礙雲山堂 戴表元不礙雲山堂記上虞陳策孔

晨所居在雪岑青山

霞書堂 南山堂 弘治嵯縣志並在縣治宋令史

安之建

翔鳳堂 弘治紹興府志在嵯縣簿解宋建

李紳書堂 弘治紹興府志在嵯縣北龍藏寺側紳

少年肄業於此

李紳新昌宅書堂前有藥樹一株
前長慶中於翰林院西軒移歸今

則長成名之天上樹詩白榆星底開紅甲珠樹宮
中長紫霄丹綵結心才辨質碧枝抽葉乍成條羽
衣道士偷元圃金簡真人護玉苗長
帶九天餘雨露近來葱翠欲成喬

玉峯堂 於越新編在嵯縣明心寺東宋學士高文

虎作內有秀堂藏書寮雪廬

淵源堂 弘治嵯縣志在東曦門內宋邑人周瑜建

延王十朋居師席

王十朋淵源堂十二詩序淵源堂細論堂宜桂軒蘊秀軒同襟

館富學齋輝聲齋集彥齋恢義齋蘭馨室足理居凡十二題

光遠堂 弘治紹興府志在新昌縣治元縣令完顏

從忠建

齊顛書堂 寶慶會稽續志新昌南明山唐齊顛隱

居之地

萬卷堂 嘉泰會稽志在新昌縣石溪鄉石待旦創
以貯書又為義學三區號上中下書堂使學者迭
升之人以此勉勵成名者甚衆舊有題名碑韓玉
汝撰記自杜祁公而下七十二人皆由此登科云
平波書堂 成化新昌縣志在縣北一里宋黃庚所
居中有秋芳亭

石鼓書堂 成化新昌縣志在縣西石鼓山之陽宋
太常博士石亞之讀書之所樓攻媿有序

平山書堂 成化新昌縣志在縣西獨秀山之麓宋

儒章一經讀書之所有屏山堂橋軒遜莊竹外溪

山樓怡老堂貞愛堂棲碧樓拱北堂

黃氏山堂 名勝志新昌縣南百步許宋黃庭所居

中有飽山閣得心亭老山樓

陳傅良黃氏老山樓
詩世路倦追攀抱書

藏故山與山成二

老相對兩蒼顏

聯槐堂 成化新昌縣志元儒周明德所居宋濂記

資深堂 萬曆新昌縣志在忠信坊元處士潘音建

東齋 沈立越州圖序刺史之居東齋西園皆燕游

之最

圖經後漢王朗為會稽郡守子肅隨在郡於東齋注易中夜有女子從地中出自稱越王

女與肅語盡夕辭別贈墨一丸旦用此墨便覺才思開敏

卧龍齋 嘉泰會稽志在通判北廳南豐曾鞏在越

時有卧龍齋見元豐類稿

澄齋 寶慶會稽續志在提舉司

戴隱齋 戴表元戴隱記儒者王廷吉家於戴山之

陽而名讀書之齋曰戴隱

逍遙齋 諸暨縣志宋主簿吳處厚建有記
恕齋 萬厯上虞縣志宋嘉定中令樓杓建

克齋 成化新昌縣志在石溪之上宋儒石子重所
居朱文公記

石氏山齋 晏殊新昌石氏山齋詩書仙十閣壯儒
宮靈越山川氣勢雄

小小齋 於越新編在新昌縣後宋孝子呂升所居
有看秋樓宋柏尚存呂不用有記

清隱軒 寶慶會稽續志在府治東政和間王仲巖

作

清曠軒 寶慶會稽續志在府廨嘉定十五年汪綱

建

蘸碧軒 嘉泰會稽志在鏡湖上齊唐詩云飛棟新

成蘸碧軒

聽鶴軒 徐一夔聽鶴軒記越城之陰有山曰小蓬

萊道士多蓄鶴郡有老儒王好問居山之南恒夜

坐鶴數羣飛鳴而過因自署其軒

省軒 戴表元省軒記王麟伯官蕭山所居

棣萼軒 蕭山縣志在招賢坊包大同舊宅劉基有
記其兄弟五人皆登仕籍故名

懷古軒 騰笑軒 萬歷上虞縣志在縣廨並宋令
陳炳建

簡靜軒 萬歷上虞縣志在丞廨宋丞范承家建
疏山軒 弘治嵊縣志在東白山南齊褚伯玉建

待清軒 萬曆新昌縣志南洲處士潘音隱居之所

環松軒 萬曆新昌縣志在桃源觀宋周益公有詩

來月軒 萬曆新昌縣志在桃源觀西清虛菴

萬曆
紹興

府志宋乾道間朱晦菴先生游
水簾還訪梁平叔同宿於此

爽心軒 成化新昌縣志在縣東溪口舊傳有詩云

隱居人未識一見爽塵心惟許魚鳧鳥忘機古到

今後人因為築軒

浙江通志卷四十四